

Obstantium derogatio.

quam quavis auctoritate, scienter, vel ignoranter contigerit attentari.

§.4. Non obstantibus Constitutionibus, & Ordinationibus Apostolicis, distarumque Ecclesiarum, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis, eisdem Ecclesiis erectis, vel imposterum eligendis, illorumque Capitulis, Superioribus, & personis, etiam Motu proprio, consistorialiter, aut alias quomodolibet concessis, confirmatis, & approbatis. Quibus omnibus illorum tenores, ac si de verbo ad verbum infererentur, presentibus pro expressis habentes, illis alias in suo robore permanentibus, hac vice dumtaxat, specialiter, & expresse derogamus, ceterisque contrariis quibuscumque.

Fides transumptis danda.

§.5. Cum autem difficile sit presentes ad singulas Ecclesias vestras deferre integras, volumus &c., & auctoritate Apostolica predicta, decernimus, quod earum transumptis manu alicujus persona in dignitate Ecclesiastica constituta subscriptis, & ejus sigillo munitis, eadem fides prorsus adhibeatur, quae eisdem presentibus adhiberetur, si forent exhibitae, vel ostensa.

Dat. die 31. Octob. 1589. An.V.

Datum Romae apud Sanctum Petrum, sub Annulo Piscatoris die ultima Octobris 1589. Pontificatus nostri Anno V.

CLIX.

Ex Regest. in Secret. Brevo.

Confirmatio Erektionis Seminarii Clericorum Secularium in Oppido S. Trudonis Leodien. Dioecesis.

SIXTUS PAPA V.

Ad perpetuam rei memoriam.

Exordium.

Vehementer in Domino gaudemus, audientes aetatem adolescentium ad pietatem, & Religionem informari, quae nisi a teneris annis recte instituat, nunquam perfecte sine maximo, ac singulari prope modum Dei Omnipotentis auxilio in disciplina Ecclesiastica perseverat.

Leodien. Seminarii fundatum ab Ernesto Episcopo.

§.1. Cui rei sicuti nuper accepimus more pii Pastoris invigilans Venerabilis frater Ernestus Archiepiscopus Colonien. Sacri Romani Imperii per Italiam Archicancellarius, & Princeps Elector Episcopus Leodien. Seminarium Clericorum in Civitate Leodien., & deinde ea suggestione dilectus filius Leonardus Betten Abbas Monasterii S. Trudonis, Oppidi ejusdem S. Trudonis, Ordinis S. Benedicti Leodien. Dioecesis, qui dicti Oppidi una cum ipso Ernesto Archiepiscopo Dominus in temporalibus existit, secundarium quoddam, seu minus principale, ac dicto primario Seminario Leodien. sub alternum Clericorum Seminarium, e quo Clerici ibidem in Christiana pietate, ac bonis literis medioeriter instituti ad dictam Civitatem Leodien., ac dictum primarium Seminarium ad ulteriorem in pietate, ac

Aliud Seminarium erectum in Oppido S. Trudonis.

bonis literis, atque artibus profectum mitti deinde possint, in eodem Oppido erexit, & instituit, necnon dilecti filii Consules, Jurati, & Consilium dicti Oppidi pio erga fidei, & Religionis Christianae conservationem, & manutationem, ac incrementum affectu moti, in solutionem annuam, & perpetuam trecentorum florenorum, floreno ad viginti fuseros Brabantiae computato, pro stipendiis, seu salariis Rectoris, & Magistrorum, & aliis usibus necessariis dicti Seminarii consenserunt, idemque Ernestus Archiepiscopus, ut dicto Seminario de commoda habitatione opportune provideretur, Domum S. Matthiae fratrum Tertii Ordinis S. Francisci Bogardorum nuncupatorum in dicto Oppido sitam, in qua unus tantum canonicus professus superest, neque ulla spes effulget in dicta Domo in posterum Monasterium suscitandi, tunc quia Domus est ruinosa, ac illius redditus summam quadraginta modiorum Siliginis annuatim non excedunt, & exercitium operum manualium ab origine Ordinis usitatum jam penitus exolevit, tum etiam quod fratres de Zeperen, qui pro tempore inibi propter pericula hospitantur, iidem periculis cessantibus ad suum Monasterium redire debent, tum etiam aliis de causis, eidem Seminario Trudonen., una cum redditibus hujusmodi in perpetuum applicavit, & appropriavit, & ne dilectus filius Melchior Schroet dictae Domus frater, occasione unionis dictae Domus, & reddituum Siliginis hujusmodi sua necessaria sustentatione defraudaretur, idem Ernestus Archiepiscopus promisit se eidem Melchiori, quod ad suam vitam sustentandam sufficiat quo ad vixerit provisorum.

Annuum stipendium eidem attributum.

Domus Sancti Matthiae Bogardorum huic secundo Seminario assignata.

Dos assignata Seminariis Trudonen.

§.2. Ac de consensu dicti Abbatis tanquam Ordinarii Collatoris Personatus de Neverpella dictae Dioecesis, quem dilectus filius Joannes Christiani Canonicus, & Cantor Ecclesiae S. Martini Leodien. obtinet, cum primum per obitum, seu resignationem dicti Joannis vacaverit, ex tunc, prout ex ea die, & e contra, sine tamen praedictio ipsius Joannis, Praeterea, quia ex fructibus Parochialis Ecclesiae de Kerckem, ejusdem Dioecesis una tertia pars majoris decimae, cum minori Decima, & Anniversariis, quae ad centum scuta monetae annuae facile ascendit, Pastoris sustentationi sufficit, duas tertias majoris decimae dictae Parochialis Ecclesiae de Kerckem, quam Dionysius Scronx obtinet de consensu Abbatis, & Decani Ecclesiae Leodien. Ordinariorum per vices ejusdem Parochialis Ecclesiae Collatorum ex tunc, prout ex ea die, & e contra cum primum per obitum, vel resignationem dicti Dionysii vacabit, sine tamen praedictio ipsius Dionysii. Ad haec, Parochialem Ecclesiam de Stewen in suburbis dicti Oppidi sitam, quam dilectus filius Erasmus Andreas Decanus Ecclesiae Beatae Mariae Virginis dicti Oppidi obtinet, quoque uni, eam dumtaxat familiam, sibi subiectam, ac proinde exiguum admodum onus habentem cum primum per obitum, vel

resignationem dicti Erasmi vacavit, ut pro officio Rectoris dicti Seminarii de consensu dicti Abbatis illius ordinarii Collatoris cum illis forsitan annexis, ac omnibus juribus, & pertinentiis suis d. Seminario ejusdem Oppidi perpetuo univit, annexit & incorporavit, ac consentit, ut de Gulda Sancti Eucherii hujus libera administratio ad dictum Abbatem, & ejus Conventum pertinet statim ab erecto Seminario Trudonen. hujusmodi quindecim modii Siliginis annui redditus ad opus ejusdem Seminarii, ex Gulda S. Spiritus viginti modii Siliginis, ex Gulda Beatae Mariae Virginis viginti modii, & ex Gulda Calceorum sex modii separarentur, quodque ad opus praedictum dictis singulis viginti modii adhuc alii quindecim, & prioribus sex modii alii sex accederent, quibus adjungendam duxit Guldam Leproforum ex qua, si gratis administraretur etiam decem modios desumendos ordinavit quemadmodum dicti Abbas necnon Consules, Jurati, & Consilium dicti Oppidi accessuros declararunt.

Directio Seminarii Trudonen. Abbati S. Trudonis commissa.

§.3. Denique ejusdem Seminarii Trudonen. curationem, & superintendentiam commisit Abbati Monasterii Sancti Trudonis praedicti, nunc, & pro tempore existentis, ac dilectis filiis Erasmo Andrea Decano, ac Joanni Duyskens Rectori Ecclesiae Beatae Mariae ejusdem Oppidi, & uni per eosdem Abbatem, & Conventum nominando, ita ut iidem Abbas, & reliqui tres tenerentur eidem Ernesto Episcopo Leodien., & successoribus suis, vel illi, aut illis ad id deputandis singulis annis, aut quoties illi placeret debita, ac legalia rationes, & computa dare super omnibus, & singulis, quae ipsi circa Seminarium hujusmodi ordinarent, & disponerent, prout in patentibus literis dicti Ernesti Archiepiscopi desuper confectis plenius continetur.

Predicta omnia confirmat Pontifex.

§.4. Cum autem dilecti filii nostri S.R.E. Cardinales Congregationis Concilii Tridentini, quibus hoc universum negotium mature examinandum, & Nobis referendum commissimus, censuerint, erektionem Seminarii, ac unionem praefatas confirmandas, attento consensu eorum ad quos collatio ordinaria Beneficiorum, ut praefertur unitorum spectat, & pertinet, seu spectabat, & pertinebat. Nos literarum tenores, ac Domos S. Matthiae, & Personatus, ac Parochialium Ecclesiarum hujusmodi veros annuos valores, ac dat. distarum literarum presentibus pro expressis habentes de consilio dictorum Cardinalium erektionem, Institutionem, unionem, annexiones, incorporationem, applicationem, appropriationem, ac omnia, & singula per dictum Ernestum Archiepiscopum circa praemissa gesta, ac inde secuta quaecumque Apostolica auctoritate, tenore presentium approbamus, & confirmamus, ac illis robur Apostolica firmitatis adiciamus, omnesque, & singulos, tam juris, quam facti defectus si qui intervenerint in eisdem supplementus.

Clausula iterantes.

§.5. Decernentes ex nunc irritum, & inane si secus super his a quoquam quavis Bull. Rom. Tom.V. Par.I.

auctoritate scienter, vel ignoranter contigerit attentari.

Derogatio contrarium.

§.6. Non obstantibus nostra de unionibus committendis ad partes vocatis, quorum interest, & exprimendo vero valore, ac Lateranen. Concilii novissime celebrati uniones perpetuas, nisi in casibus a Jure promissis fieri prohibentes, aliisque Constitutionibus, & Ordinationibus Apostolicis, ac Domus, & Ordinis hujusmodi juramento confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis sub quibuscumque tenoribus, & formis, ac cum quibusvis clausulis, & decretis in genere, vel in specie, ac alias in contrarium quomodolibet concessis, approbatis, & innovatis. Quibus omnibus, & singulis, etiam de illis specialis, specifica, & expressa, ac individua, non autem per clausulas generales idem importantes mentio, seu quavis alia expressio habenda foret, illorum tenores presentibus pro expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Dat. die 11. Novem. 1589. An.V.

Datum Romae apud S. Petrum sub Annulo Piscatoris die 11. Novembris 1589. Pontificatus nostri Anno V.

CLX.

Ex Regest. in Secret. Brevo.

Nonnullae ordinationes pro bono regimine, & gubernio Thesaurariae novae, & veteris Bononien.

SIXTUS PAPA V.

Ad perpetuam rei memoriam.

Romanum decet Pontificem illa, quae ad obviandum fraudibus in detrimentum publicum committi solitis recte, riteque sancita fuisse dicuntur, ut firmiter observentur Apostolici muniminis adiciere firmitatem, ac alias desuper disponere, prout conspicit in Domino salubriter expedire.

Procurium.

§.1. Sane, sicut accepimus alias fe. re. Julius PP. III. Praedecessor noster dum ante assumptionem suam ad summi Apostolatus apicem in minoribus constitutus Cardinalatus, & Sedis Apostolicae in Civitate Bononien. Legati de latere honore fungeretur, pro bono, & felici gubernio crediti novae & veteris Thesaurariae ejusdem Civitatis, & ad obviandum fraudibus, & simulationibus, quae inter creditores evenire solebant in electionibus, quae quotannis de duodecim Gubernatoribus dicti crediti fieri consueverunt, quamdam per suas desuper confectas literas patentes, seu motum proprium edidit Constitutionem tenoris subsequens videlicet.

Joannes Maria Card. de Monte Constitutionem edidit pro bono regimine Thesaurariae Bononien.

§.2. Cum ad aures nostras non sine animi nostri displicentia pervenerit, quod in electione, quae inter dilectos Creditores Montis, & crediti Thesaurariae novae, & veteris Civitatis Bononien. quotannis fieri solent de duodecim hominibus Gubernatoribus

Tenor Constitutionis praedictae.

ribus dicti crediti, ut hi ad regimen, & curam dicti crediti, ac iurium ipsius præesse debeant, & præcipue, ut ipsi duodecim singulis annis Depositarium, & Scriptorem, seu Computistam, ut vulgo dicitur, & alios Officiales dicti crediti eligant, seu eligere debeant, quod nonnulli ex dictis creditoribus mali, & perversi animi sæpe fraudibus, & diversis malitiis, ac simulationibus, usi fuerunt, tam impartiendo, seu eorum creditum in plures partes dividendo, quam etiam diversis personis, quæ non sunt de numero, seu de corpore eorundem creditorum, jura pro parte suorum creditorum cedendo, ut tempore, quo electiones de dictis duodecim fieri solent, habeant, & consequantur majorem partem votorum, seu suffragiorum ad eorum favorem, quam ceteri, qui ad scrutinium in Comitibus poni solent: Idcirco volentes dictis fraudibus, malitiis, & simulationibus, occurrere, quæ quandoque non modicum damnum, & scandalum inter dictos creditores, qui pro majori parte sunt nobiles, & Cives, ac Mercatores dictæ Civitatis, parere possent, auctoritate nostræ Legationis, Motu proprio, & ex certa nostra scientia &c. mandamus, & præcipimus omnibus, & quibuscumque, cujuscumque status, ordinis, & conditionis existant, ut a prædictis fraudibus, malitiis, simulationibus, & fictitiis cessionibus, sub penis infra scriptis se absteineant, & abstinere debeant: Et si quis repertus fuerit, tam agens, quam expresse, seu tacite consentiens, ipso jure penam arbitrio nostro infligendam incurrisse dicatur: Et si talis de corpore ipsorum creditorum fuerit, illico puniatur etiam in amissione reddituum, & emolumentorum, quæ quot annis ex dicto credito consequeretur, seu consequi posset per annos duos, quæ emolumenta, & commoda ceteris omnibus, & singulis creditoribus pro rata cujuslibet accrescant, & accrescere debeant: si vero de numero dictorum creditorum non fuerit, ipso facto, etiam penam ducentorum scutorum auri, pro qualibet vice, qua repertus fuerit contra facere incurrat, & incurrisse intelligatur, quæ poena pro dimidia creditoribus d. Thesauraria pro rata ut supra, acquiratur, & pro alia parte Camere Civitatis Bononiensis applicetur: Non obstantibus quibuscumque ordinationibus, statutis, provisionibus etiam Apostolicis, ac juramento firmatis in contrarium facien. Datum Bononiæ die 1. Decembris 1588.

Eam confirmans Sixtus præcipit observari.

§.3. Et quamvis præmissa omnia rite, & recte per dictum Julium Prædecessorem tum Legatum ordinata debuissent, deberentque valide, & firmiter observari: Nihilominus cum nuper Nobis fuerit relatum, quod similes adhuc in fabis fictitiis vigent abusus, idcirco ad eos omnino tollendos, & extirpandos, pro feliciori ac faciliori dicti crediti mantentione, & conservatione hujusmodi fraudibus consulere, & occurrere volentes, necnon veriores Constitutionis, seu Motus proprii hujusmodi tenores cum inde sequuntis, præsentibus pro expressis habentes, Motu

proprio, & ex certa scientia, ac de Apostolica potestate plenitudine omnia, & singula per dictum Julium Prædecessorem tunc Legatum, ut præfertur facta, & disposita, dictasque illius literas, seu Motum proprium, ac omnia inibi expressa, & contenta, necnon inde sequuta quæcumque, Apostolica auctoritate, tenore præsentium perpetuo confirmamus, & approbamus, illisque plenaria, & inviolabilis Apostolica firmitatis robur adicimus, ac omnes, & singulos tam juris, quam facti defectus, si qui inter venerunt in eisdem supplementis, insuperque omnibus, & singulis ex numero prædictorum creditorum personis cujusvis sexus, gradus, status, ordinis, vel conditionis existant, ne de cetero perpetuis futuris temporibus quavis occasione, causa, sive prætextu eorum in dicta Thesauraria creditum simulate dividere, seu illius partem aliquam non realiter vendere, aut alias per quæcumque verborum, seu facti circumvolutionem fictè alienare, aut de illo venditiones aliquas similes cum pacto francandi facere audeant, seu præsumant, distrius præcipiendo auctoritate, & tenore præmissis inhibemus.

§.4. Sed quia necesse est, ut quandoque creditum dividatur, & pars illius tantummodo juxta vendentis necessitatem alienetur, pro potiori cautela, ac promissorum observatione volumus, quod qui in futurum partem aliquam crediti prædicti a quocumque illud dividente emerit, vel realiter acquisiverit, ad vota, seu Fabe immisionem ullo modo admitti non possit, nisi prius coram dictis duodecim Gubernatoribus, necnon etiam illis, qui pro revidendis actibus, & instrumentis novarum hujusmodi emptio-num, & acquisitionum pro tempore electi, & deputati fuerint, suæ emptiois, seu acquisitionis instrumentum diligenter visum, consideratum, & approbatum legitimo superinde interveniente partito, ac decreto extiterit.

§.5. Et ut quantum fieri potest omnibus iis prospiciatur, per quæ abusus prædicti facilius impediatur, ac tolli possint, eisdem auctoritate, & tenore mandamus, quod omnia, & singula instrumenta, quæ de dicti crediti partis alienatione, etiam cum pacto francandi, ut supra, posthac fieri contigerit, per nullum alium quam per Notarium dictæ Thesaurariæ conscribi possint, aut debeant.

§.6. Si vero prædictis omnibus, aut alteri eorum, quæ præsentibus continentur quoquo modo contraventum, vel non obtemperatum fuerit, tam divisiones hujusmodi, quam partitiones etiam cum pacto francandi, necnon instrumenta ab alio, quam a præfato Notario confecta, nullas, & nulla, simulatasque, & simulata, necnon pro fictitiis, & simulatis haberi, contravenientesque, & transgressores quocumque ultra penas per dictum Julium Prædecessorem tunc Legatum impositas, & inflictas, in amissionis etiam illius partis crediti ita simulate alienati, & emptorem in pretii oblatis similiter amif-

amissionis ceteris creditoribus pro parte secundum cujusque partem, & rationem proportionabiliter dividendi, & pro parte delatori, seu accusatori designandi, penas incurrere, quæ nullo cujusvis personæ habito respectu omnino exequi debeant, auctoritate, & tenore similibus volumus, statuimus, & ordinamus.

Clausula irritantes.

§.7. Ac ita per quoscumque Judices ordinarios, & Commissarios, etiam Palatii Apostolici causarum Auditores, necnon S. R. E. Cardinales etiam de latere Legatos, sublatis eis, & eorum cuilibet quavis aliter judicandi, & interpretandi facultate, ubique locorum judicari, definiti, & interpretari debere: irritumque, & inane quidquid secus super his a quoquam quavis auctoritate scienter, vel ignoranter contigerit attentari decernimus.

Executores designati.

§.8. Quo circa dilectis filiis modernis, & pro tempore existentibus Archidiacono Metropolitana, & Decano Collegiæ Sancti Petronii Ecclesiarum Bononiensis, necnon Vicario Venerabilis Fratris Archiepiscopi Bononiensis in spiritualibus Generali per presentes, Motu simili mandamus, quatenus ipsi, vel duo, aut unus eorum per se, vel alium, seu alios presentes, & in eis contenta quæcumque, ubi, & quando opus fuerit solemniter publicantes eandem præsentem literas, & in eis contenta quæcumque hujusmodi debita executioni demandent, ac ab omnibus, ad quos spectat, & spectabit quomodolibet in futurum inviolabiliter observari faciant; contraditores quoslibet, & rebelles, ac præmissis non parentes per sententias, & censuras Ecclesiasticas, ac etiam pecuniarias penas, aliaque opportuna juris, & facti remedia, appellatione postposita comprehendendo, necnon legitimis super his habendis servatis processibus sententias, & censuras, & penas ipsas, etiam iteratis vicibus aggravando, invocato etiam ad hoc si opus fuerit auxilio brachii secularis.

Clausula derogatorie.

§.9. Non obstantibus præmissis, ac fel. rec. Bonifacii PP. VIII. Prædecessoris nostri de una, & Concilii Generalis de duabus dietis, dummodo ultra tres dietas, aliquis auctoritate præsentium ad iudicium non trahatur, necnon Regula nostra de jure quæsto non tollendo, aliisque Constitutionibus, & Ordinationibus Apostolicis, ac etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, etiam eisdem Thesaurariæ, ac Civitati, & Civibus, necnon incolis Bononiensis, & quibuscumque aliis personis sub quibuscumque tenoribus, & formis, ac cum quibusvis clausulis, etiam derogatoriis derogatoriis, irritantibusque, & aliis decretis in genere, vel in specie, etiam motu pari, & consistorialiter, necnon Pii PP. IV. etiam Prædecessoris nostri de registrandis gratis quomodolibet interesse Camere nostræ concernentibus, ac alias in contrarium quomodolibet facientibus concessis, confirmatis, & innovatis. Quibus omnibus, & singulis, etiam pro Bull. Rom. Tom V. Par. I.

illorum sufficienti derogatione de illis, eorumque totis tenoribus specialis, specifica, expressa, & individua, necnon per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, præsentibus pro sufficienter expressis, ac de verbo ad verbum insertis habentes, illis alias in suo robore permanentibus hac vice dumtaxat harum serie specialiter, & expresse motu simili derogamus, ceterisque contrariis quibuscumque. Aut si aliquibus communiter, vel divisim ab Apostolica sit Sede indultum, quod interdicti, suspensi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Datum Romæ apud S. Petrum, sub anno Pontificatus nostri Anno V.

Dat. die 17. Nov. 1589. An. V.

CLXI.

Confirmatio Concordatorum innoter Episcopum, & Capitulum Pataviense. SIXTUS PAPA V.

Ex Regest. in Secret. B. C. C.

Ad perpetuam rei memoriam.

EX debito pastoralis officii, quo Nobis gregis Domini cura commissa est, circa universorum Christianissimum præsertim in dignitate Ecclesiastica constitutorum pacem, & tranquillitatem sollicitis studiis intendentes, ea, quæ propterea inter ipsos Christianissimos facta esse dicuntur, ut firma, & illabata persistant, libenter, cum a Nobis petitur, Apostolice munimine roboramus.

Procurium.

§.1. Cum itaque venerabilis frater Urbanus Episcopus, & dilecti filii Capitulum Pataviense. Nobis nuper exponi fecissent, quod quædam pacta, & concordata ante Concilium Tridentinum facta, quorum nonnulla per Decreta dicti Concilii abrogata fuerant, alia vero propter Jurisdictionis Episcopalis eminentiam, ac dicti Capituli, atque adeo totius Ecclesiæ incrementum, & utilitatem, denique propter concordiam, & pacem conservandam in melius reducenda, emendanda, & reformanda videbantur, unanimi consensu emendarunt, & super omnibus, & singulis illorum articulis transegerunt, & concordarunt, illaque approbantes, & confirmantes promiserunt ad Sedis Apostolicæ confirmationem inviolabiliter observare.

Episcopus, & Capitulum Pataviense, concordatum in eunt.

§.2. Et pro parte eorumdem Urbani Episcopi, & Capituli Nobis fuit humiliter supplicatum, quatenus illis robur Apostolicæ confirmationis adire de benignitate Apostolica dignaremur.

Roborari petunt auctoritate Apostolica.

§.3. Nos eadem pacta, & concordata dilectis filiis nostris S. R. E. Cardinalibus super interpretatione Decretorum Concilii Trid. per Nos deputatis diligenter, & accurate consideranda, examinanda, & Nobis referenda commisimus.

Prævia approbatione Congregationis Concilii Sixtus confirmat, nonnullis inmutatis.

Cum autem ipsi Cardinales hac eadem pacta, & concordata per eos mature discussa, & examinata Nobis retulerint, Nos de eorumdem Cardinalium consilio quaedam ex illis detraximus, alia in parte immutavimus, alia limitavimus, alia denique omisimus, ac illorum omnium tenores de verbo ad verbum his nostris literis inferi fecimus, qui talis est:

§.4. In primis, quod dictus Urbanus Episcopus velit in antiqua illa, & vera fide, ac religione Christiana, quae haecenus, apud Catholicos floruit, atque observatione, & obedientia Sanctae Romanae, & Catholicae Ecclesiae, tam pro sua propria persona, quam personis suorum Consiliariorum, Praefectorum, Officialium, Auditorum, & Familiarium jugiter permanere, neque Praedicatores, neque Liberos, neque subditos, qui cum novarum sectarum haeresibus fuerint infecti, aut cumulati in Civitate Patavien., aut aliis Oppidis, vel locis ad Ecclesiam Patavien. pertinent. tollere, sed contra huiusmodi praedicantes, vendentes, ac profitentes juxta canonicas Sanctiones, Summorumque Pontificum, tam modernorum, quam antiquorum Decreta, atque Imperatoria mandata ad dignas penas procedere, & procedi facere, fervitoresque ab officiis suis remove-re, & similiter & Capitulum praedicta observabit.

Item, quod velit in spatio unius anni omnem diligentiam adhibere insignem aliquem, & doctum Theologum, atque antiquae Religionis Professorem competentem stipendio conducere, eundemque, apud Ecclesiam Cathedrali tenere, & sine dispendio Capituli sustentare. Item, quod velit habere duos Officiales, seu Vicarios Generales causarum ad forum Ecclesiasticum spectantium, alterum Patavia, & alterum Vienna, quorum uterque sit Clericus honestus, & in Theologia, vel Jure Canonico qualificatus, quilibet habeat suum Assessorem, & Notarium.

Item quandoquidem Capitulum in quibusdam Parochiis, & aliis Beneficiis, ex privilegiis Summ. Pontificum Jus habet instituendi, consentit dictus Episcopus Privilegia huiusmodi in omnibus, in quibus Concilium Tridentinum iisdem non derogavit, firma, & rata haberi, salvo de cetero omni Jure Episcopali, debeant, aut huiusmodi Parochi, & alii Beneficiarii ante Institutionem Episcopo, vel ejus Vicario generali ad examen, & Cura Animarum admissio-nem sibi vocati, itidem ad Synodos Dioecesa-nas, & Congregationes uti alii compareant, Visitationibusque, & reformationibus ejusdem subiecti sint. Item quod velit Immunitates, & praecipue Jurisdictionem Ecclesiasticam Dioecesis Patavien. pro virili suo defendere, & manutenere, nec in ullam commutationem Status Ecclesiastici consentire, atque communi etiam Clero coram se negotia habenti se benignum, & gratiosum exhibere.

Item Episcopus juravit etiam quidquid

in Urbe pro confirmatione, aliisque necessariis, necnon pro impetrandis regalibus expendendum erit, impensis mensae Episcopalis, ac subsidii charitativi, prout moris est, & absque jactura rerum Capitularium se expediturum.

Item Episcopus Statuta Capituli legitima auctoritate ordinaria confirmet, dummodo Sacris Canonibus, & decretis Concilii Trid. non adverfentur. Item Episcopus teneatur suis impensis apud Sedem Apostolicam impetrare confirmationem concordatorum.

Item, ut plures Canonici ad residentiam alliciantur, assensit dictus Episcopus sequentes Parochias ubi vacaverint videlicet Tauffkirchen, & Hoffkirchen ad Flumen vulgo Tritnaich nominatum. Item, Aspach, Maurkirchen, Althaim, & Pfar-kirchen semper Canonici residentibus idoneis, dum tamen prius dispensationem. Apostolicam obtinuerit, conferre. Item, Episcopus non resignet, cedat, permutat, vel aliquid de Episcopatu resignando, cedendo, permutando disponat, nec in Coadjutorem consentiat, aut pro aliquo ullo unquam tempore intercedat infcio, & non consentiente Capitulo, e contra vero, nec Canonici per clandestinam praxim, pro Coadjutore, vel Episcopo futuro, vivente adhuc moderno, confirmato, infcio, vel nolente ipso aliquid moliantur.

Item cum expense Capituli mirum in modum excreverint, haecenus consentit Episcopus pro sustentatione octo Choralium, quos vocant, singulis annis ducentos, & octo aureos Rhenenses ad manus Cellarii Capituli angariatim quinquaginta duos florenos persolvere.

Item debeat Episcopus in confirmationibus Praelatorum semper vocare aliquot personas, quas velit ex Canonici Capitularibus, pro decencia, & honore ipsius Episcopi.

Item Episcopus instituat Visitatorem Generalem Capituli, & Cleri Dioecesis Patavien. juxta normam Concilii Tridentini, & cum Dioec. Patavien., per totam Austriam se extendat, Episcopus quartam partem cujuslibet anni in eadem Provincia Austria personaliter resideat, dum tamen eo temporis spatio, Dominici Adventus, Quadragesima, Nativitatis, Resurrectionis Domini, Pentecostes, & Corporis Christi diebus, ab Ecclesia Cathedrali nullo pacto ablit. Item Episcopus Decanum canonicum electum, & praesentatum a Capitulo gratis juxta Canonicas Sanctiones confirmare debeat.

Item quoties Episcopus Canonicorum opera in suis, & Ecclesiae negotiis uti voluerit, hoc debet Decano, vel Capitulo insinuare. Item, quod Capitulum salva sit collatio Ecclesiae Sancti Pauli, & assumptio Custodis similiter, & receptio Canonicorum Ecclesiae suae, taliter, quod non cogat Episcopus aliquem directe, vel indirecte recipere ultra ipsorum beneplacitum, ut haecenus observatum est. Item promissit Episcopus

Statuta Capituli confirmaturum.

De residentia in Austria, & penes Cathedrali.

Receptione novorum Canonorum.

Tenor Concordatorum.

Episcopus Novatores se non passurum promittit.

Jura Capituli conservaturum.

Episcopus Oblatario Capituli singulis annis ex redditibus mensae Episcopalis persolutorum sex florenos, & quatuor solidos, quae summa prius ex domo Balthazaris de Staremberg relicta, fuit persoluta.

Item Episcopus pro tempore causas contra Capitulum, vel in propria persona audiat, & decimat, vel ejusdem Suffraganeo, aut alicui personae in dignitate Ecclesiastica constitutae committat, reservata sibi sententia in propria persona ferenda.

Item, quod cum primam fieri potest de omnibus bonis mobilibus Pataviae, atque in Arcibus, Castris, & Domibus Episcopatus ubilibet constitutis, & ad Episcopatum pertinent, per Canonicos tam ab Episcopo, quam a Capitulo deputandos sufficiens, & plenum Inventarium conficiat, atque confici faciat: quod exinde duplicatum, & in formam authenticam redactum, atque sub secretis Episcopi, & Capituli roboratum, unum ipse retineat, & alterum ad manus Capituli tradat.

Item Episcopus debet etiam Capitulo in spatio unius anni assignare Urbarium authenticum omnium, & singulorum bonorum immobilium, decimarum, proventuum, censuum, atque reddituum ad Episcopatum quomodolibet spectant., & ubilibet locorum consisten., nec non descriptionem omnium feudorum sigillo suo roboratam, & per Canonicos a Capitulo deputatos ad antiqua, & nova Ecclesia Urbaria revisam.

Item Episcopus juravit, quod bona immobilia Episcopatus quaecumque, item census, redditus, & proventus, insuper & bona mobilia pretiosa in praemissis Inventario, & Urbario comprehensa, sine Capituli scitu, consilio, & assensu, & Sedis Apostolicae licentia desuper obventa non velit vendere, permutare, donare, aut quovis alio titulo alienationis in alium transferre, sed nec cuique ad vitam, aut longum tempus, & omnino non ultra triennium expresse locare, arrendare, vel alio quovis quaesito nomine, aut colore concedere.

Item Episcopus debeat singulis annis adjunctis sibi a Capitulo duobus Canonicis, cum omnibus Officialibus suarum administrationum, & officiorum diligentem ponere rationem, nisi urgentissima causa, de quibus Capitulo, vel Deputatis constare debet, impediunt ut ratio ad alterum annum differatur.

Item Episcopus observet, & manuteneat etiam concordiam factam per Duces Bavariae inter Episcopatum tempore dilecti filii Ernesti tunc Administratoris Ecclesiae Patavien., & Cives Patavienfes, dummodo nihil contineat adversus libertatem Ecclesiasticam, Sacros Canones, vel Concilii Tridentini Decreta.

Item Episcopus teneatur singulis annis ad requisitionem Capituli perceptorum, & expositorum praesentibus duobus Canonicis Capitularibus a Capitulo deputatis summariam rationem reddere, & si mi-

Cognitione causarum Capituli.

Inventario bonorum ad Mensam Episcopalem spectantium.

Bona Ecclesiae non alienandis.

Ratione quolibet anno reddenda.

Servanda Concordia inter Duces Bavariae, & Canonicos.

Ratione reddenda administrationis.

nus bene administraverit rem domesticam, Capitulumque cum desuper admonuerit, quod velit talem admonitionem benigne accipere, malamque administrationem emendare.

Item Episcopus non debeat ullo modo infcio Capitulo as alienum contrahere, debeatque singulis annis exactiones securas, videlicet impositas persolvere, nec praesentias facere, aut pro quovis hominum siccubere.

Item Episcopus obligatur omnes lites, tam cum Civibus Patavien. propter exactionem ratione vini vulgo Ungelt dictum, quam cum vicinis causa finium, seu limitum vulgo Granitzen, cum consensu, & consilio Capituli expedire.

Item feuda quaecumque ad Ecclesiam devoluta ad nullas preces Imperatoris, Regum, Principum, & aliorum alicui conferat, absque scitu, & consensu Capituli, & alias juxta Canonicas Sanctiones, pecuniarumque exinde percipiendas, & perceptas in nullum usum, quam in Redemptionem debitorum, ac impignoratorum bonorum ipsius Ecclesiae conferat.

Item Episcopus dimittat Capitulo redditus, ab antiquo in Dominio Schwadorff persolvi debitos, sine ulla diminutione porrigi.

Item Instrumenta bellica, ut sunt Bombardae, aliaque illis deservientia, pulveres scilicet, & alia bellico usui destinata, nullo modo alienet, sive diminuat.

Item teneatur Episcopus ad admonitionem Capituli destructas, & ruinas Arces, quantum necessitas postulaverit, & fieri poterit, refarcire, reedificatas vero fartas, tactasque conservare.

Item debeat Episcopus in collationibus omnium feudorum, valorem quingentorum florenorum attingentium semper Capitulum adhibere, cujus consilio, & assensu feuda conferat.

Item Episcopus non serviat Regibus, aut quibuscumque Principibus.

Item quoties contigerit Episcopum, pro quibuscumque negotiis tractandis ad Capitulum aliquam legationem mittere, non committat hoc Decano, sed aliis suis Consiliariis, sive Spiritualibus, sive secularibus. Item Episcopus neutralem se gerat ad Domum Austriae, Bavariae, & Bohemiae in quantum fieri potest, praecipue vero si differentia, aut controversia inter Dominos praedictos fuerint, nisi de consensu Capituli aliter consultum fuerit. Item si Capitulum, aut persona aliqua Capitularis velit impignoratas res Ecclesiae super Castris, teloneis, aut aliis obventionibus Episcopatus, ab extraneis reducere, in quibus locus est Redemptionis, permittat hoc Episcopus, & ut fiat effectualiter disponat, ita tamen, ut illa bona possint semper per Episcopatum soluto eodem pretio redimi.

Item Magister Fabricae pendeat dicto Episcopo singulis annis quadraginta florenos Rhenenses ratione proclamandi mandata.

Item

Est alieno non contrahendo.

Feudis Ecclesiae nemini concedendis.

De instrumentis bellicis.

Arcebus.

1589. Vestibus Episcopi post ejus obitum dividendis inter Capitulares.

Item casu, quo Episcopus diem suum obierit extremum, debent omnes illius Vestes, quæ ex redditibus bonorum patrimonialium confecta fuerunt, Sacris tamen exceptis, inter Canonicos Capitulares, qui tempore obitus fuerint presentes, aut Præbendam itinerariam pro absentia vulgo Raisspriendt indixerunt, & eo tempore participes fuerint, distribui, & in iis con sanguine ipsius Episcopi Capitularibus nulum impedimentum faciant.

De electione Magistri Judicis, & juramento fidelitatis.

Item, cum Episcopus Patavien. pro tempore eligere intendit Judicem, Magistrum Civium, & Senatam, nec non recipere Juramentum fidelitatis a suis Civibus, & subditis, ex hæcenus laudabili introducta consuetudine hoc fieri debet præsentibus Decano, & Capitulo, aut a Capitulo ad hoc deputatis, ut sic fidelitatem jurantes discant agnoscere Dominum suum vacante Sede; ita tamen, quod Capitulum præsentiam suam, aut Deputatorum non denegat, quod si venire recusarent, nihilominus Episcopo ad electionem, & Juramenti receptionem procedere liceat.

Adhibendo consilio Capituli in arduis negotiis.

Item cum ardua, uti de Statu Ecclesie, hostibus arcendis, tuendis subditis, & hujusmodi fuerint tractanda negotia, Capitulum, vel aliqui Capitulares per Episcopum convocari debeant pro exigentia causa.

Item quoties etiam contigerit Episcopum ad loca remotiora ad aliquot menses ob quascumque causas a Patavia discedere, debeat ipse tunc unum, quem voluerit, ex Capitulo si in eo aliquis idoneus reperitur in Locumtenentem constituere. Item Judices in Civitate Patavien. pro tempore existentes per suos familiares, & in eventum necessitatis, proprias personas Curiam, & Aream vulgariter die Whor a Lusforibus, Blasphematoribus, & Jumentis, seu pecoribus purgant, præservent, & arcant; similiter in publicis placitis vulgariter Gekassfen, prout hoc fieri solet festo Beate Mariæ Magdalene privilegio Episcoporum Corradi, & Bertholdi data pro futuris Curia, & Area publicent ad evitandum execrationes, & poenas in illis contentas.

Bona non oppignoratis eodem inconstituto.

Item si Episcopus castrensia, seu bona Ecclesie Patavien. pro utilitate ejusdem necessario habuerit alienare, seu oppignorare, nec non alicui bona, aut officium aliquod ad dies vitæ concedere, tunc in Capitulo saltem duæ ex tribus partibus presentes existant, eorumque Consilium, & assensus accedat, obtenta etiam Sedis Apostolicæ licentia, & observata in omnibus Constitutione Paulina.

Item Episcopus tempore pestis, necnon aliis omnibus Capituli necessitatibus, diffidationibus, invasionibus, atque bellis manum efficaciter porrigat defensivam, eidem Castrum unum, vel plura pro hujusmodi securitate, necnon defensione, tunc ad commodum, vel commoda aperta teneat, & teneri præcipiat, atque mandet.

Item, quod de cetero Anniversaria in Muta, seu Telonio, aut Camera Episco-

pali instituta, juxta modum ordinationis suæ antiquum peragantur, pecuniæque ad hoc deputatæ absque diminutione; & contradictione integre persolvantur.

Item quodcumque Capitulum, ac singulares personæ ejusdem habuerint, vel in Cancellaria Episcopi, vel per ejus Officiales literas expedire, tales ipsi semper gratis, & absque solutione alicujus taxæ alias solvi consuetæ expendantur.

Item Episcopus amplius nullum in Castellano recipiat, vel ei fortalium, & Castellum committat, nisi idem Castellanus literis patentibus suo Sigillo, aut alio authentico signatis se obliget, atque in manus Episcopi, aut cui commiserit in presentia duorum Canonicorum Capitularium delato Juramento fidelitatis se adstringat, quod fidelis erit, & obediens ipsi Episcopo, eo autem vita functo, Decano, & Capitulo. Et ei, qui per ipsum Capitulum univociter, vel a majori parte canonice fuerit electus, ut moris est, qui etiam Decano, & Capitulo specialem obligationem literis patentibus, & ut constitutum est sigillatis in forma, & alemanica lingua, ut descriptum est. Ich N. Zu N. bekenne als der hochwirdig first N. mein gnediger herr mich zu seiner gnaden und desselben Stifts Schloff und herrschaft N. Zuverwalten befohlen hat, vermeg meines von seinen firstligen gnaden deshalb gegebenen bestands, hergegen ich dann seiner firstligen gnaden pflichtung gethan in halt meines Reverff, so ich seiner firstliger gnaden gegeben. In welcher meiner pflicht bedingt das nach seiner firstliger gnaden todt, den Gott lang verhieten wolle, ainem Capitel zu Passau oder den sodurch dasselb ainertziglich, oder von den meeren theil zu Bischove erwellet, ermelt Schlos ein offens haus gegenwertiglich soll sein. Wan und als oft sich auch begeben das (wo kein Bischove were) ein ehrwirdig Thum Capitel in das obberichte meiner verwaltung Schlos leyth zulegen notturtig wurden, das ich darumb kein irrung thun. Doch das Solches ohn mein Costen und entgelt bescheen solle, auch Sonsten getrew und gewertig zu sein der selben und des Stifts frumben in allen Sachen zu firderen, Schaden zu warnen, und zuwenden, auch mich in allweg halten Wie ein getreuer diener seiner herrschafft zuthun. Schuldig und pflichtig ist, getreylich und ungeverlich. Das ich obgenanter N. demnach bi meinen Wahren treyen an aides. Statt, alles das hieoben bemelt ist, Wann Sich der fall hochgedachts meines gnedigen herren ableybung begeben, und ich die Selb zeit mit ermelten Pflegeampt und dem stift noch verbunden Were, gegen einem Ehrwirdigen Thum Capitel, oder ermelttem Bischove vermoege meines bestalbriefs getreylich zuvolziehen gelobe und verspriche. Dese zu Wahrem urkundt gib ich mergedachten meinem gnedigen herren einem Ehrwirdigen Capittel dise bekrandnuff mit meinem aygnen Insigel verfertigt. Geben und bescheen &c.

Gratis eidem expeditiones danda in Cancellaria Episcopi.

Juramento fidelitatis a Castellano præstando.

1589. Speciale honore a Præfate Arcis S. Georgii faciendâ.

Et quia ibi debet major custodia esse & arctior obligatio, ubi majus periculum Ecclesie imminere potest, alias a majoribus observatum est, quod Castellanus Arcis S. Georgii supra Civitatem Patavien. statim postquam acceptatus, & in possessionem, sive custodiam Arcis institutus fuerit, Episcopo, & duobus Canonicis ad hoc a Capitulo deputatis vocata universa ipsius Castellani familia ultra præmissa jurare debeat, se vacante Sede neminem in Arcem intrumissurum, nisi Decanum, & Capitulum, & deinde eum, qui per ipsum Capitulum, aut a majori parte Canonicorum fuerit electus, alias inscriptiones, prout alii Castellani dant, nihilominus dare similiter teneantur.

Novis Privilegiis levandi pecunias Civibus non concedendis.

Item, ut Episcopus modernus pro virili, & in quantum fieri poterit, abstineat, & caveat, quod nulla alia privilegia nova, libertates, & immunitates levanda pecuniæ causa Civitati, & Civibus Patavien. pro parte, vel in totum perpetuis temporibus elargiri, & concedere velit, ultra ea privilegia, & immunitates, quæ prius Civitati, & Civibus ipsis per Episcopos antecessores concessa, & quæ Civitati, ipsisque Civibus per Nobiles Viros Principes Wilhelmum, & Ludovicum Comites Palatinos Rheni, & utriusque Bavaricæ Duces in arbitramento per eos publicato præcipue ratione prædicti tributi adjudicata fuerint.

Advocatio Colonorum.

Item cum aliqui Coloni, & Subditi in Provincia supra Anasum existentes, qui vulgo Steffaner appellantur, ex pio animi affectu, & Christiano ordine quo erga Sanctum Stephanum, & istam Cathedralem Ecclesiam flagrabant advocatiam apud eandem quaesierint, & sese illi sponte submiserint, recognoscentes Episcopos Antecessores in suos legitimos, & veros advocatos. Cum autem per temporis injuriam provisio Colonorum cum maximo eorumdem detrimento, & damno alienis pro certa summa pecuniæ commissa sit, inde factum est, quod plurimi Commisarii, qui summam prædictorum Colonorum impignorationem numerarent, rei privata, & commodo proprio studentes, cum maxima Ecclesia, & Episcoporum, & Colonorum ipsorum iactura, & præjudicio tales Colonos sibi vendicare, & usurpare, vel ab Ecclesia, & Episcopis alienare, & aliis vendere, atque distrahere attentarent. Cum vero Venerabilis Frater Ernestus tunc confirmatus in Archiepiscopum Salisburgen. ante aliquot annorum spatium supramemoratos Colonos per pecuniæ numerationem ipsis secularibus factam, & tali obligatione, & impignoratione exemptis, & liberos reddiderit, atque Ecclesie, & Episcoporum Successorum Juri restituerit, ut deinceps per eosdem Officiales, & Familiares Ecclesie commodum, & utilitas magis provideri, & administrari, ac in debitum gravamen humeris Colonorum auferendum ab ipsis secularibus creditoribus positum averti posset, ideo similiter statutum est, ut tam modernus Episcopus, quam Capitulum, & sui Canonici om-

nes, & singuli summa ope evitent, & abstineant, ne perpetuis temporibus nominatos Steffaner impignorare, alienare, & pro aliqua pecuniæ summa, ut prius factum est, inscribere, nec provisionem, & administrationem in prædictos Colonos fiendam alteri committere velint, quam Judici in Yhustatt, vel alteri Officiali, & Familiari, quem Episcopus pro tempore existens ad talem provisionem, & administrationem ex Curialibus suis duxerit deputandum, & idoneum. Quod si Episcopus, aut Succesores quovis quæsto colore impignorationem, & inscriptionem, vel Colonorum alienationem facere attentaverint, tunc omnes, & singuli Canonici nequaquam consentire, concludere, neque admittere velint, aut debeant.

Item ad Decanum spectet potestas puniendi laicos spectantes ad Capitulum, & Ecclesias in hac Civitate existentes, in quibus hæcenus id moris fuit, necnon etiam domesticos, & famulos Canonicorum in causis civilibus; Ubi autem criminales sunt, etiam criminaliter intentata, Magistratus Ordinarii animadversioni subiacent. In dubiis casibus vero, de quibus certo non constat num sint civiles, an vero criminales, Decanus, & aula Episcopalis Præfectus decident.

Causis Laicorum spectantium ad Capitulum.

Item quia ad Capitulum spectat proprietas, & possessio Aream, quam vulgariter Denhoff undiwöhr vocant videlicet ab Aquilone versus Danubium, & ab Oriente ad Portam Palatii Consulis, ubi jacet lapis sanguinis, alias Weh. Selltain versus Occidentem usque ad Urbis murum, qui die Whor appellatur versus Austrum ad Flumen Ceni unde infra eundem ambitum nullus quidquam habet, seu debet etiam ordinare, nisi secundum beneplacitum, & voluntatem Capituli, ut habetur ex privilegiis, seu donationibus bo. me. Corradi, & Bertholdi Ecclesie Patavien. Præsulum.

Exemptione Capituli Datis.

Item Capitulum Patavien., etiam Magister Pontis, & Leprosorum sint per Civitatem Patavien. liberi ab omni exactione, seu solutione Dazia, quæ Ungelt, & Aufschlag, vel Aufschlag vulgariter nuncupantur, adeo quod de Vinis suis, & Bonis, quæ eos successive ducillare, & vendere contingeret, nullatenus quidquam solvere teneantur in cujuscumque potestate jus exigendi, seu recipiendi hujusmodi exactionem existat in futurum, ita quod libere eadem Vina ducillare, seu illa, & bona sua vendere possint, & valeant cuicumque, vel quibuscumque etiam extra Civitatem Patavien., prout eis videbitur expedire, absque exactione prædicta, & omni impedimento.

Item Præpositus, Decanus, & singuli Canonici, Magister Leprosorum, imo quicumque Beneficiati, & Clerici Civitatis Patavien., & Suburbium ejusdem, de Vinis, & frumentis, quæ eos, & aliquem eorum pro usu Domus suæ, seu qualitercumque illa acquirat, a dictis exactionibus vulgariter Ungelt Aufschlag pro tempore, & quibuscumque aliis exactionibus per Civitatem Patavien. ubilibet impositis, seu imponendis occa-

Et

occasione Victualium hujusmodi, liberi sint omnino, & exempti, prout etiam jure communi cautum est, ut a Summo Pontifice tempore confirmationis pena statuatur in contravenientes iis concordatis postquam nulla alia a Sede Episcopali vacante iniiri possint, atque illa tamen in suo robore permanent.

Precedentia
pacta confir-
mat Pontifex,
servarique
mandat.

§.5. Ut autem premissa omnia pacta, & concordata tanquam honestati, & aequitati consona firmius subsistant, & ab omnibus, ad quos spectat inviolabiliter observentur providere volentes, supplicationibus Urbani Episcopi, & Capituli praedictorum hac in parte inclinati, omnia, & singula pacta, & concordata per Nos, ut praefertur, immutata, moderata, & limitata, Apostolica auctoritate tenore praesentium ex certa nostra scientia, approbamus, & confirmamus, illisque perpetuae, & inviolabilis firmitatis robur adiciamus, ac Urbanum, & pro tempore existentem Episcopum, & Capitulum Patavien. hujusmodi, necnon omnes, & singulas alias personas, ad quas id quomodolibet spectat, & spectabit in futurum ad totalem illorum omnium observationem teneri, & obligatos existere, nec ab illis ullo unquam tempore resilire posse.

Clausula irrita.

§.6. Irritum quoque, & inane decernimus, si secus super his a quoquam, quavis auctoritate, scienter, vel ignoranter contigerit attentari.

Derogatio
contrariorum

§.7. Non obstantibus Constitutionibus, & Ordinationibus Apostolicis, ac dictae Ecclesiae Patavien. statutis, & consuetudinibus, juramento, confirmatione Apostolica, vel quavis firmitate alia roboratis, ceterisque contrariis quibuscumque.

Dat. die 25.
Nov. 1589.
An.V.

Datum Romae apud S. Petrum, sub Annulo Piscatoris, die 25. Nov. 1589. Pontificatus nostri Anno V.

CLXII.

Suppressio instituti Fratrum Scalceatorum S. Francisci in Italia, eorumque locorum concessio Fratribus Minoribus Conventualibus Reformatis, Ordinis ejusdem Sancti Francisci.

De his Reformatis, & toto Ordine Franciscano, vide in Constitut. CVI. Apostolici Tom. IV. Par. IV. fol. 359. & antea in Constit. LXVII. Honor. III. Solet. Tom. III. pag. 229.

SIXTUS PAPA V.

Ad perpetuam rei memoriam.

Causa hujus
Constitutionis.

CUM sicuti ad aures nostras nuper pervenit, dilectus filius Joannes Baptista de Pisauo, Professor Ordinis Fratrum Sancti Francisci Scalceatorum nuncupatorum Regnorum Hispaniarum, in Italiam nuper veniens, multos diversorum Ordinum Religiosos, tam Mendicantes, ac Capuccinos, quam non Mendicantes, & alias seculares personas in nonnulla loca ipsius Italiae per eum recepta, ad habitum per Fratres Scal-

ceatos hujusmodi gestari solitum suscipiendum, & professionem per eos emitti consuetam emittendam, Sede Apostolica omnino inconsulta receperit, plerique eorum sic recepti, habitum susceperint, & professionem hujusmodi emisierint.

Suppressio in-
stituti Fratrum
Scalceatorum
in Italia.

§.1. Nos qui praedictorum Scalceatorum institutum hoc tempore in Italiam inducendum non censemus, considerantesque Fratres, qui Reformati Conventuales, & de Observantia appellantur, in puritate, ac simplicitate eorum Ordinum viventes in eadem Italia, benedicente, & incrementum dante Domino, florere, Motu proprio, & ex certa nostra scientia, ac de Apostolica potestatis plenitudine, institutum Fratrum Scalceatorum hujusmodi in diversis locis, Ecclesiis, & Conventibus Italiae receptum, & tam per dictum Joannem Baptistam, quam omnes, & singulos alios Socios suos Scalceatos introductum, Apostolica auctoritate tenore praesentium extinguimus, supprimimus penitus, & abolemus.

Concessio loco-
rum his Re-
formatis.

§.2. Ac loca, Ecclesias, & Conventus hujusmodi cum omnibus eorum ornamentis, & sacra suppellectili, & juribus universis, Ordini Fratrum Minorum S. Francisci Reformatorum Conventualium nuncupatorum, perpetuo concedimus, & assignamus, seu unimus, annectimus, & incorporamus. Ita quod liceat ipsis Fratribus Conventualibus Reformatis, nullius ad hoc requisita licentia, corporalem, realem, & actualem possessionem praefatorum locorum, Conventuum, & Ecclesiarum libere apprehendere, in eisque juxta formam institutorum Regularium, ac literarum confirmationis, & approbationis ejusdem Ordinis Fratrum Conventualium Reformatorum a Nobis emanatarum, & per officium minoris gratiae expeditarum, vitam ducere Regularem.

Permissio
transfendi ad
eosdem Re-
formatos.

§.3. Necnon Joannem Baptistam, omnesque alios ejus Socios, ac eorum singulos, ab omni apostasia nota, ac quibusvis excommunicationis, suspensionis, & interdicti, aliisque Ecclesiasticis sententiis, censuris, & etiam temporalibus poenis, si quas propter praemissa omnia, vel illorum occasione, & etiam quia a Superioribus Ordinum licentiam inde exeundi non petierint, aut alias quomodolibet respective incurrint, necnon ab excessibus hujusmodi, in utroque foro auctoritate, & tenore praemissis, absolvimus, ac totaliter liberamus, distasque sententias, censuras, & poenas, eis, & cuilibet eorum gratiose remittimus, & condonamus, atque relaxamus. Ac cum eisdem super irregularitate, per eos, & quemlibet eorum, quia interim ob praemissa censuris innodati divinis, non tamen in contemptum clavium, quomodolibet sese respective immiscuerint, incursum, quodque illa, & aliis praemissis, non obstantibus Clericali caractere, ac omnibus etiam Sacris, & Presbyteratus Ordinibus, per eos, & quemlibet eorum respective alias rite susceptis, illorumque privilegiis uti, ac in eisdem Ordinibus, etiam in Al-

taris ministerio ministrare, libere, & licite valeant, dispensamus, omnemque inhabilitatis, & infamiae maculam, sive notam contra eos, & quemlibet eorum ex praemissis omnibus, & singulis quomodolibet insurgentem, ab eisdem penitus abolemus, ipsosque in pristinum, & cum in quo ante praemissa quomodolibet erant, statum, in omnibus, & per omnia restituimus, repouimus, & plenarie reintegramus. Decernentes, quod dictus Joannes Baptista, & alii, qui in aliis Religionibus prius professi fuerant, vel ad easdem redire teneantur, vel si ad Fratres Reformatos Conventuales praedictos transire maluerint, ad eos transire, & ibidem recipi, & recepti permanere possint, dummodo praedicti aliarum Religionum professi, si ad dictos Fratres Conventuales transire voluerint, professionem de novo emittant, & que ab una in aliam Religionem transeuntes servare tenentur, servent. Aliis vero secularibus, qui ab eodem Joanne Baptista, sive aliis sociis Scalceatis recepti, & ad professionem admitti fuerunt in praedictos Fratres Conventuales Reformatos, vel in alias Religiones, pares, vel arctiores a Sede praedicta approbatas, dummodo de novo novitatum faciant, professionemque emittant, ingrediendi licentiam, & facultatem concedimus, & impartimur. Decernentes etiam, omnes supra praedictos posse in praedictis Religionibus recipi, etiam non expectato Capituli, vel Congregationis Capitularis tempore juxta Constitutionis a Nobis noviter emanatae formam, cui harum serie, hac vice dumtaxat, specialiter, & expresse derogamus.

Communica-
tio privile-
giorum Fra-
trum Con-
ventualium huic
Congregationi
Reformato-
rum.

§.4. Quodque ipsi omnes in praedictos Conventuales Reformatos recepti, omnibus, & singulis privilegiis, facultatibus, indulgentiis, & peccatorum remissionibus, ac aliis gratiis, tam spiritalibus, quam temporalibus, quibus ipsi Fratres Conventuales Reformati, utuntur, fruuntur, potiuntur, & gaudent, ac uti, frui, potiri, & gaudere poterunt quomodolibet in futurum, pariformiter, & aequae principaliter uti, frui, potiri, & gaudere libere, & licite valeant, auctoritate, & tenore praemissis de speciali gratia indulgemus.

Derogatio
contrariorum

§.5. Non obstantibus fel. rec. Bonifacii Papae Octavi Praedecessoris nostri, qua cavetur expresse, ne cujusvis Ordinis Mendicantium professores, loca ad inhabitandum recipere, seu recepta mutare, absque Sedis praedictae licentia speciali de prohibitionibus expressam mentionem faciente, ac aliis quibusvis Constitutionibus, & Ordinationibus Apostolicis, dictorumque Ordinum juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indulgentiis, & literis Apostolicis, sub quibuscumque tenore, & formis, ac cum quibusvis clausulis, & decretis, in genere, vel in specie, ac alias in contrarium quomodolibet concessis, approbatis, & innovatis, quibus omnibus, illorum tenores praesentibus Bull. Rom. Tom. V. Par. I.

pro sufficienter expressis habentes, illis alias in suo robore permanentibus, hac vice dumtaxat, specialiter, & expresse derogamus, ceterisque contrariis quibuscumque.

Fides transum-
ptorum.

§.6. Volumus autem, ut praesentium transumptis etiam impressis manu tamen alicujus Notarii etiam in Archivio Romanae Curiae descripti, per dilectum filium nostrum Hieronymum Tituli S. Petri ad Vincula S. R. E. Presbyterum Cardinalem de Ruvere nuncupatum, totius Ordinis Fratrum Minorum S. Francisci, & Conventualium Reformatorum hujusmodi Protectorem, oretenus deputati subscriptis, & sigillo ejusdem Hieronymi Cardinalis Protectoris munitis, eadem prorsus fides adhibeatur, qua adhiberetur praesentibus, si forent exhibita, vel ostensa.

D. P. An. V.
20. Decembris

Datum Romae apud S. Petrum, sub Annulo Piscatoris die 20. Decembris 1589. Pontificatus nostri Anno V.

CLXIII.

Confirmatio Synodi Petricoviensis habitae ab Episcopis Regni Poloniae super electione, & qualitatibus eligendi in Regem, ac promovendorum ad Episcopatus.

Ex Regest. in
Secret. Breve.

SIXTUS EPISCOPUS
SERVUS SERVORUM DEI

Ad perpetuam rei memoriam.

P Aporalis nostra sollicitudo, quam pro tuenda ubique gentium, & locorum propagandaque Catholica Religione suscipere tenemur, paternaque charitas, quam erga inclitum Poloniae Regnum in visceribus Christi praecipue gerimus, & singularis zelus Orthodoxae Fidei, sinceraque erga Romanos Pontifices, sanctamque hanc Sedem devotio, quam ipsum Regnum, praesertim vero illius Praelati hoc maxime tempore praeserunt, jure optimo Nos inducunt, ut iis, quae pro conservatione ejusdem Catholicae Fidei, & pro publica ejusdem Regni quiete, & tranquillitate, pie, ac prudenter a Praelatis praefatis statuta fuerunt, Apostolica confirmationis robur, eisdem Praefatis supplicantibus, benigne impartiamur.

Procuramus

§.1. Nuper siquidem sicut expositum Nobis fuit, in Synodo Provinciali Petricoviensi de more celebrata Venerab. Fratres nostri Archiepiscopi, & Episcopi Metropolitanarum, & Cathedralium d. Regni Ecclesiarum simul congregati, & convenientes in unum, ut more vigillum pastorem gregem Dominicum suae cura creditam ab imminenti luporum periculis incolumem quantum in eis est, praeservarent, simulque unioni, & paci ipsorum Praelatorum, ac procerum, & Populorum ejusdem Regni consulerent, inter alia sub nostro, & Sedis Apostolicae beneplacito statuerunt, ordinarunt, & decreverunt.

Praefatos Re-
gni nonnulla
statuunt in
Synodo Pe-
tricioviensi.

§.2. Quod tam in praesens, quam in futurum nemo unquam agnoscatur, nec recipiatur in Regem Poloniae, nisi fuerit vere

Qualitates re-
quirenda in
eligendo in
Regem.

M

Ca